

Broj: 03-04-260-1/2025
Sarajevo, 17.03.2025. godine

PARLAMENT FEDERACIJE BOSNE I HERCEGOVINE

Predstavnički dom

gosp. Salko Zildžić, poslanik

gosp. Ivan Miličević, sekretar ✓

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno:		19-03-2025	
Org. jed.	Broj	Priloga	Vrijednost
05/1	-02-	56	125

Predmet: Odgovor na poslaničko pitanje

Poštovani,

U skladu sa odredbama člana 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u vezi sa članom 116. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07, 2/08, 26/20 i 13/24), u prilogu Vam dostavljam akt Federalnog ministarstva finansija, broj: 06-02-5-1293/25 od 03.03.2025. godine, koji sadrži odgovor na poslaničko pitanje, koje je postavio poslanik Salko Zildžić.

S poštovanjem,


SEKRETAR VLADE
dr. sci. Edita Kalajdžić

Prilog: kao u tekstu

2272

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO FINANSIJA
FEDERALNO MINISTARSTVO FINANCIJA
SARAJEVO

BOSNIA AND HERZEGOVINA
FEDERATION OF BOSNIA AND
HERZEGOVINA
FEDERAL MINISTRY OF FINANCE
SARAJEVO

Broj: 06-02-5-1293/25
Sarajevo, 03.03.2025. godine

BOSNA I HERCEGOVINA
FEDERACIJA BOSNE I HERCEGOVINE
VLADA
Sarajevo

VLADA FEDERACIJE BOSNE I HERCEGOVINE

PRIMLJENO: 14.03.2025			
Organizaciona jedinica	Klasifikacija	Redni broj	Broj priloga
03-04-260-1/2025			

PREDMET: Odgovor - daje se

VEZA: Vaš akt broj: 03-04-260-1/25 od 10.02.2025. godine

Poštovani,

Na 17. redovnoj sjednici Predstavničkog doma Parlamenta Federacije Bosne i Hercegovine, održanoj 04.02.2025. godine zastupnik Salko Zildžić u Predstavničkom domu Federacije Bosne i Hercegovine, postavio je zastupničko pitanje koje glasi: „Molim da mi pojasnite „namjenu“ stavke u Budžetu za 2024. godinu, ekonomski kod 391192- Razgraničeni prihodi za namjenska sredstva u iznosu od 101.300.000,00 KM kao i situaciju da iste stavke nema u Budžetu za 2025., te me stoga zanima:

- u koje namjene su korištena ova sredstva u 2024. godini?
- od kad se ova stavka nalazi u Budžetu i iz kojih sredstava se puni te šta joj je prvobitno bila namjena?“

Federalni budžetski korisnici u svom poslovanju dužni su primjenjivati Računovodstvene politike za federalne budžetske korisnike i trezor ("Službene novine Federacije BiH", br. 58/16 i 99/23). U dijelu Klasa 3 – Kratkoročne obaveze i razgraničenja, tački 56. navedenog propisa, navodi se da na kontima glavne kategorije 390000- Kratkoročna razgraničenja, vode se unaprijed naplaćeni prihodi po svim osnovama i obračunati neplaćeni, odnosno nedospjeli rashodi po svim osnovama ako se razgraničavaju na rok do godine dana. Takođe, u stavu 4. navodi se obaveza budžetskih korisnika da za iznos razgraničenih prihoda budžetski korisnici u narednoj fiskalnoj godini planiraju u budžetu rashode i izdatke.

Nadalje, budžetskim korisnicima propisana je obaveza primjene Uputstva o otvaranju posebnih namjenskih transakcijskih računa, načinu planiranja, prikupljanja, evidentiranja i raspolaganja sredstvima sa posebnih namjenskih transakcijskih računa otvorenih kao podračuna u okviru Jedinственог računa trezora ("Službene novine Federacije BiH", br. 44/17 i 22/20). U dijelu V. Način raspolaganja namjenskim sredstvima, tački 17. navedenog uputstva, navodi se da budžetski korisnici, na kraju fiskalne godine, vrše preknjiženja (prenos) sredstava na vremenska razgraničenja, za preostali iznos neiskorištenih sredstava na podračunima.

S tim u vezi, u Budžetu Federacije Bosne i Hercegovine za 2024. godinu, u članu 2. Prihodi, primici i finansiranje, na ekonomskom kodu 391192- Razgraničeni prihodi za namjenska sredstva u iznosu od 101.300.000,00 KM planirana su neiskorištena sredstva na podračunima. Navedena planirana sredstva predstavljaju prenos neiskorištenih sredstava na posebnim transakcijskim računima

budžetskih korisnika i to Posebnom transakcijskom računu razvoj i unapređenje avio prometa u Federaciji BiH, Posebnom transakcijskom računu za prikupljanje prihoda od GSM licence i Posebnom transakcijskom računu Upravljanje razvojnim sredstvima za implementaciju sredstava namijenjenih za finansiranje kapitalnih infrastrukturnih projekata. Navedeni ekonomski konto se planira od Budžeta Federacije Bosne i Hercegovine za 2020. godinu, a finansijska sredstva se planiraju po zahtjevima budžetskih korisnika u skladu sa neiskorištenim sredstvima sa podračuna.

Za ostala pitanja u vezi sa namjenom sredstava i načinom korištenja istih odgovor bi trebao da dostavi nadležno ministarstvo tj. Federalno ministarstvo prometa i komunikacija.

S poštovanjem,

MINISTAR

Toni Kraljević



Dostaviti:

- a) Naslovu
- b) a/a